



Na osnovu Zakona o igrama na sreću (Službene novine FBiH broj 48/15 od 24.06.2015.g.) UNIQA Osiguranje d.d. Sarajevo, ID: 4200137020002, adresa: Obala Kulina bana br.19, 71000 Sarajevo, utvrđuje sljedeća pravila nagradne igre (u daljnjem tekstu: Pravila):

## **Pravila nagradne igre „Misli na sigurno putovanje“**

### **Član 1.**

UNIQA Osiguranje d.d. Sarajevo (u daljem tekstu UNIQA), Obala Kulina bana br.19, 71000 Sarajevo, ID broj: 4200137020002 organizira nagradnu igru za fizička lica koja tokom trajanja nagradne igre, zaključno sa 31. augustom 2018. godine, pošalju *fotografiju sa putovanja, broj police osiguranja zaključene tokom trajanja nagradne igre, ime i prezime i mjesto putovanja*, u svrhu promoviranja UNIQA web shopa.

### **Član 2.**

Nagradna igra organizira se pod nazivom „Misli na sigurno putovanje“, koja će trajati od 15.06.2018. do 31.08.2018. godine.

### **Član 3.**

Pravo na sudjelovanje u nagradnoj igri i pravo na nagradu ostvaruje fizičko lice koje za vrijeme trajanja nagradne igre zaključi policu osiguranja za bar jedan od proizvoda: UNIQA S.O.S. pomoć na putu, Putno zdravstveno osiguranje i Osiguranje stambenih objekata i postavi jednu fotografiju sa putovanja na web stranicu [www.uniqa.ba/nagradna-igra](http://www.uniqa.ba/nagradna-igra) te unese *broj zaključene police osiguranja, ime i prezime i mjesto putovanja*. Jedna osoba kupovinom više polica osiguranja može postaviti više fotografija po principu jedna polica – jedna fotografija i tako ostvariti veću mogućnost osvajanja nagrade.

Postavljanjem fotografije učesnici u nagradnoj igri se odriču autorskih prava na dostavljenim fotografijama i pristaju da se iste koriste u promotivne svrhe UNIQA Osiguranja bez naknada, kao i da ih se kontaktira u budućim akcijama UNIQA Osiguranja d.d. Sarajevo.

### **Član 4.**

Pravo na sudjelovanje u nagradnoj igri i pravo na nagradu imaju sva fizička lica državljani Bosne i Hercegovine sa prebivalištem u Bosni i Hercegovini, osim lica navedenih u Članu 5. ovih Pravila, koja u periodu trajanja Nagradne igre, zaključno sa 31. augustom zakluče jednu ili više polica osiguranja jednog od navedenih proizvoda: UNIQA S.O.S. pomoć na putu, Putno zdravstveno osiguranje i Osiguranje stambenih objekata. Jedna osoba može učestvovati sa više fotografija u nagradnoj igri, jer jedna polica ostvaruje pravo za postavljanjem jedne fotografije na web stranicu [www.uniqa.ba](http://www.uniqa.ba).

### **Član 5.**

U nagradnoj igri ne mogu sudjelovati sljedeća fizička lica: zaposlenici UNIQA-e i povezanih lica sa UNIQA-om uključujući članove njihovih porodica (supružnici, partneri, djeca rođena i usvojena, roditelji, braća, sestre, polubraća, polusestre) i članove njihovih domaćinstva, fizička lica koja sa UNIQA-om imaju zaključen ugovor o posredovanju / zastupanju u osiguranju i fizička lica zaposlena kod pravnih lica sa kojima UNIQA ima zaključen ugovor o posredovanju / zastupanju u osiguranju, sva druga fizička lica koja se sa UNIQA-om nalaze u ugovornom odnosu po bilo kojem drugom osnovu, kao i dobitnici nagrada u nagradnoj igri Putujte sigurno koja je održana u periodu 20.06.2017. do 20.09.2017. godine.

## Član 6.

Utvrđeni nagradni fond:

- 1x potrošačka kartica Raiffeisen bank BH d.d. vrijednosti KM 5.000,00.
- 2x zimovanje za dvije osobe u Nassfeld, Austrija (05.01.2019. - 12.01.2019.) ukupne vrijednosti od KM 4.000,00;
- 1x smartphone ukupne vrijednosti od KM 1.000,00 KM;

Ukupna vrijednost nagradnog fonda iznosi 10.000,00 KM.

Nagrade se ne mogu ni u kom slučaju zamijeniti za novac, a sa bankovne potrošačke kartice se ne može podizati gotovina niti na šalterima banaka niti na ATM aparatima.

Novčana nagrada će biti oporezovana u skladu sa važećom Zakonskom regulativom te će isplaćeni iznos nagrade biti umanjen za predmetni porez koji će UNIQA Osiguranje d.d. u ime poreznog obveznika uplatiti nadležnom tijelu.

## Član 7.

Dobitnici nagrada će biti izabrani na osnovu ostvarenog broja glasova („like“-ova) za fotografiju koju su postavili na web stranici [www.uniqa.ba](http://www.uniqa.ba).

Za dvije fotografije postavljene na web stranicu [www.uniqa.ba](http://www.uniqa.ba) do 30. jula 2018. godine do 24:00h koje su prikupile najviše glasova („like“-ova) 01. augusta 2018. godine dodijeliti će se sljedeće nagrade iz nagradnog fonda:

za fotografiju koja je prikupila najviše glasova („like“-ova) – Zimovanje za dvije osobe u Nassfeld u Austriji u periodu 05.01.2019. – 12.01.2019. godine  
za narednu fotografiju po broju glasova („like“-ova) – Smartphone.

Za dvije fotografije postavljene na web stranicu [www.uniqa.ba](http://www.uniqa.ba) do 31. augusta 2018. godine do 24:00h koje su prikupile najviše glasova (izuzev fotografija nagrađenih 01. augusta 2018. godine) do 15. septembra do 24:00h, najkasnije do 20. septembra 2018. dodijeliti će se sljedeće nagrade iz nagradnog fonda:

za fotografiju koja je prikupila najviše glasova („like“-ova) – Potrošačka kartica Raiffeisen bank BH d.d. Sarajevo  
za narednu fotografiju po broju glasova („like“-ova) Zimovanje za dvije osobe u Nassfeld u Austriji u periodu 05.01.2019 – 12.01.2019. godine.

Tokom trajanja nagradne igre dozvoljeno je preporučivati fotografiju i dijeliti je putem socijalnih mreža, s ciljem angažmana poznanika i prijatelja da glasaju („like“) za fotografiju. Ukoliko se ustanovi da se učesnici služe neregularnim metodama ili kupovinom broja glasova („like“-ova), bit će diskvalifikovani i bit će im zabranjeno dalje učešće u nagradnoj igri, a fotografija uklonjena sa web stranice.

Podaci o dobitnicima nagradne igre „Misli na sigurno putovanje“ bit će objavljeni, na web stranici UNIQA osiguranja u BiH ([www.uniqa.ba](http://www.uniqa.ba)), odmah po dodjeli nagrada.

Ispravnost nagradne igre tj. postavljanja i glasanja („like“) za fotografije, nadzirati će komisija od 3 člana zaposlenika UNIQA Osiguranja i na dan dodjele nagrada igre sačiniti zapisnik koji će sadržati imena i prezimena dobitnika, brojeve polica i kontakt telefone i e-mail adrese putem kojih će pobjednici biti kontaktirani.

## Član 8.

Fizičko lice koje ispunjava uvjete definirane u članu 3. Pravila nagradne igre „Misli na sigurno putovanje“ (u daljnjem tekstu: Pravila) potrebno je da postavi fotografiju ili više njih na web stranici [www.uniqa.ba](http://www.uniqa.ba), što znači da je za njegovo sudjelovanje u nagradnoj igri potrebna online prijava.

Fizičko lice postavljanjem fotografije i sadržajem propisanim u članu 3. ovih Pravila pristaje na sudjelovanje u nagradnoj igri, kao i da njegovi osobni podaci budu objavljeni u skladu s članom 9. ovih Pravila, te prihvata prava i obveze iz ovih Pravila.

#### **Član 9.**

Fizičko lice – Dobitnik nagrade sudjelovanjem u Nagradnoj igri pristaje na objavu svojih osobnih podataka i ovlašćuje UNIQA-u da koristi njegove osobne podatke i fotografiju, bez prava na bilo kakvu naknadu, u svrhu javne objave rezultata Nagradne igre, kako prilikom dodjele nagrada, tako i u objavi reportaža ili sličnih materijala vezanih za promociju proizvoda UNIQA osiguranja.

#### **Član 10.**

Proglašenje dobitnika u Nagradnoj igri bit će objavljeno kako je utvrđeno u članu 7. ovih Pravila i tom prilikom dodijelit će se nagrade iz člana 6.

#### **Član 11.**

Preuzimanje nagrade:

- Dobitnik nagrade bit će obaviješten o dobitku i preuzimanju nagrade putem e-maila ili telefona;
- Dobitnik je dužan podići nagradu u roku od 30 dana od dana prijema obavijesti;
- Dobitnik nagrade nema pravo tražiti isplatu novčane protuvrijednosti osvojene nagrade i ne može prenijeti nagradu na drugu osobu;
- Dobitnik nagrade je obveznik poreza na nagradu.

Trenutkom preuzimanja nagrade prestaju sve obveze UNIQA-e prema dobitniku, te time nagradna igra završava.

Komisija iz članka 3. ovih Pravila, zapisnički će utvrditi jesu li dobitnici preuzeli nagrade u roku iz člana 9. stav 1. ovih Pravila, te će protekom toga roka utvrditi da je s određenim datumom nagradna igra okončana.

#### **Član 12.**

UNIQA će otkazati Nagradnu igru u slučaju da u razdoblju trajanja nagradne igre nastupe okolnosti koje UNIQA u trenutku donošenja odluke o održavanju nagradne igre ne može predvidjeti, niti na te okolnosti može utjecati, a takve okolnosti imaju ili bi mogle imati negativan utjecaj na poslovanje UNIQA-e. U slučaju nastupa okolnosti iz prethodne rečenice, UNIQA će sudionike obavijestiti o prekidu Nagradne igre javno, putem web stranice [www.uniqa.ba](http://www.uniqa.ba).

#### **Član 13.**

Fizička lica – potencijalni učesnici nagradne igre će biti upoznati s Pravilima nagradne igre putem dnevnih novina i putem web stranice [www.uniqa.ba](http://www.uniqa.ba) gdje će Pravila biti objavljena. Sudjelovanjem u Nagradnoj igri učesnici prihvaćaju pravila i obveze iz ovih Pravila. U slučaju spora utvrđuje se nadležnost suda u Sarajevu.

#### **Član 14.**

Ova Pravila se primjenjuju po dobivanju saglasnosti nadležnih ministarstava i po objavljivanju u dnevnim novinama, a vrijede do završetka Nagradne igre.

UNIQA Osiguranje d.d. Sarajevo  
Senada Olević, direktor